

ու զէնքով ուժովցած Տաճկաստան, նախ եւ առաջ:

Եւ զա կատարուած է աներեւոյթ ձեւով: Աւելին զեռ. տեղի ունեցող զէպքերին Անգլիան զիտմամբ հակառակ երեւոյթն է տալիս: Եւ սակայն վաղը նոյն այդ երեւոյթները իրենց սեփական զոյնով ու պատկերով հրապարակ պիտի դան: Այդ անկասկած է: Այսպէս կամ այնպէս, այսօրուան համար փաստը մնում է փաստ. ե՛ւ Անգլիան ու Ռուսաստանը, ե՛ւ Իտալիան ու Ֆրանսան ճշակտոր են լինում՝ իրենց բարեկամութեան եւ բարեացակամութեան ապացոյցները տուած լինելու համար Տաճկաստանին: Մի ժամանակ Մուսոլինի օգի մէջ սուսեր էր ճօճում, ողորմաբար ճառեր էր ուղղում Տաճկաստանի հասցէին, բայց նա չուտ լուս, հէնց որ մի քանի կոնցէսիաներ (արտօնութիւններ) ստացաւ: Եւ ի՞նչ օգուտ մեզ ու Հայաստանին՝ իտալացիների սնած ծրարագիրների յաջողութեան պարագային անդամ, որոնց հետ այնչա՛փ միամիտօրէն ինչ որ հաշիւներ էին կապում մի շարք հայեր. մոռանալով միշտ, որ Տաճկաստանը փոքրացնելով եւրոպական հողի վրայ եւ արեւմտեան Փոքր Ասիայում, պետութիւնները, իրենց համար տեղ բանալու մտահոգութեամբ, նրան քշում են զէպի Արեւելք, մեզ վրայ, մեր մարմնի վերայով էլ՝ աւելի հեռուները, բայց միշտ՝ զէպի Արեւելք:

Տաճկաստանի ու մեր իսկ պատմութիւնից դասեր չտաւ վրայադաշտ հայ մտածողութիւնը, երազատեսի զերում մնալով հանապաղ, «որչափ վատ իմ թշնամիի համար, այնչափ լաւ՝ ինձ համար» բառախաղը քաղաքական նշանաբան դարձնելով: Մոռանալով միշտ էլ, որ թուլացող, անզամ սնանկացող պարտատիրոջ վնասների հատուցումը, նրա մուրհակների զեղչումը մէկ խոշոր չափով իր վերայ է ընկնում անխուսափելիօրէն:

### III

Եւ այսպէս, եւրոպական մեծ պետութիւնները առանձին-առանձին եւ բոլորը միացած՝ Տաճկաստանի ուժեղացման եւ նպաստում: Տարբեր հաշիւներ անելով ու տարբեր ելակէտներ ունենալով հարկաւ, որից սակայն

փաստական դրութիւնը չի փոխուած: Նրանք բոլորը, առարկայօրէն վերցրած, նորոգուող Թուրքիայի մի-մի զօրաւոր յենարաններն են, նրա ամբողջականութեան արթուն պահապանները: Առաջին հերթին՝ Ռուսիան, լքելով իր զարաւոր քաղաքականութիւնը: Բոլորն էլ, եթէ կարելի է այսպէս արտայայտուել, «տաճկական օրիենտացիան» են հետեւում: Եւ առաջին հերթին, կրկնում ենք, Ռուսաստանը: Տարբեր խնդիր՝ վերջնական հաշուով ուղի թէ սխալ, ոուսական զերագոյն եւ հեռաւոր շահերի տեսակէտից նպաստաւօր թէ անըպաստ քաղաքականութիւն: Փաստը դրանից չի փոխուած: Այն որ՝ Մոսկուան որդեգրել է բոլորովին հակառակ մի քաղաքականութիւն Տաճկաստանի վերաբերմամբ, քան որ հետպնդել է Պետերբուրգը երկու հարիւր տարիների ընթացքում:

Խորհուրդները որդեգրել են Տաճկաստանի ամբողջականութեան տեսակէտը, տաճկական օրիենտացիա, զո՛հ բերելով հայ ժողովուրդի եւ Հայաստանի ամենակենսական շահերը:

Այդ բաւական չէ՛: Ինչպէս հին Ռուսաստանը, նորը եւս շարունակում է, անմիջապէս եւ ուղղակի միջոցներով մեզ վնասելով մէկտեղ, նաեւ միջնորդապէս եւ անուղղակի կերպով հարուածել: Նրանով որ՝ շահագործում եւ չարագործում է մեր քշմամուքիւր Տաճկաստանի հետ: Մի թշնամութիւն թէեւ, որի հիմքում զգալի չափով հէնց մեր ոուսասիրութիւնն է դրուած, մեր «ուսական օրիենտացիան»: Նման շահագործման երեւոյթը մանրանկար չափով մենք վրացական քաղաքականութեան մէջ տեսանք, հայ-ադրբէյանեան հարցում: Ծատ աւելի մեծ չափերով զա տեղի է ունեցել միշտ եւ այժմ էլ տեղի ունի՝ ոուսների որդեգրած քաղաքականութեան մէջ: Եւ իր այդ քաղաքականութեամբ — հակահայ եւ հայաստան իր խորքում — Ռուսիան ծանր հարուածներ է հասցնում մեզ ո՛չ միայն տանկական, այլ եւ անդրկովկասեան գետնի վերայ: Խորը համոզուած մեր անուղղայ հակաթուրք զծին — բոլո՛ւր պարագաներում եւ բոլո՛ւր զէպքերում — ապա նաեւ կատարելապէս վստահ մեր անձայրածիր «հաւատարմութեանը» ոուսական դրօշին, Մոսկուան Հայաստա-